

تَبَيُّنٌ

مجلة جمعية القاهرة الخيرية الأرمينية العامة

ՏԵՉԵԿԱՏՈՒ

ՀՐԱՏԱՐԱԿՈՒԹԻՒՆ ԳԼՏԻՐԷԻ Հ.Բ.ԸՄՈՒԹԵԱՆ

مدیر المسئول: ا. صاروخان — شارع عماد الدين بالقاهرة — تليفون ٩١٩٦٣٦ — ص.ب. ٧١٧

ԺԸ. ՏԱՐԻ ԹԻԻ 10 - 12

ՀՈԿՏԵՄԲԵՐ - ԴԵԿՏԵՄԲԵՐ 1975

ԻՄ ՍՈՒՐԲ ՀԱՅՐԵՆԻՔ

Իմ սուրբ հայրենի՛ք, դու արթս մէ՛ջ ես,
Դու արթս մէ՛ջ ես, ո՛չ լեզուիս վրայ,
Իմ արթի միջից՝ թէ սիրսս նեղես՝
Դրօշիդ բոցը պիտի հուրհրայ:

Ձեմ ուզում գոռալ իմ սիրոյ մասին,
Սակայն, իմացիր, հայրենի՛ք իմ մեծ,
Քեզ հարիւր տեղով խոցեց թեւամին,
Բայց հազար տեղով իմ սիրը խոցուեց:

Ես ամբողջովին Ի՛նճն եմ, հայրենի՛ք,
Եւ մամի նման, նամբեփիդ վրայ,
Քո փառքի համար թէ մի օր վառուեմ,
Մոխրաբիծ անգամ ինձնից չի մնայ:

ՅՈՎ. ՀԱՆՆԷՍ ՇԻՐԱԶ

Ա. Զ. Դ

- Տեղեկատուան ան այժմ կը հրատարակուի պարբերաբար:
- Թղթակցութեանց, գրամական նուէրներու, գիրքերու, բերքերու եւ հանդեսներու անարձաները կատարել խմբագրութեանս հասցէին.

Խմբագրութիւն «ՏԵՂԵԿԱՏՈՒՅԻ»

15, Էմատ Էյ Տին փողոց — Գանիբէ
Հեռ.ախօս 919636 — Նամակատուի 717

Բ Ո Վ Ա Ն Գ Ա Կ Ո Ւ Թ Ի Ի Ն

- | | |
|--|--------------|
| 1.- Կոչ Սփիւռփի Հայութեան | Ա. ՄԱՆՈՒԿԵԱՆ |
| 2.- Հարցազրոյց Տոբ. Վարդգէս Մկրտիչեանի Հեւ | Ա. ՄՈՎՍԷՍԵԱՆ |
| 3.- Հ. Բ. Ը. Մ.ի 62րդ Ընդհանուր Ժողովը | |
| 4.- Ողբ. Գրիգոր Կիրակոսեանի Յիսուսակին | Ա. Մ. |
| 5.- Գրիգոր Կիրակոսեան-Դաստարակ Տնօրէնը | Տ. ՊԱՊԻԿԵԱՆ |
| 6.- Տիգրան Պապիկեան Ոչ Եւս Է | |
| 7.- Բացառիկ Յոբելինական Հանդիսութիւն Մը | |
| 8.- Ե. Խորհրդակցական Համաժողովը Յետաձգուած | |

تَنْبُوْءٌ

مجلة جمعية القاهرة الخيرية الأرمينية العكامة

ՄՆՊ

- ԳԱՀԻՐԷ -

ՏԵՉԵԿԱՏՈՒ

ՀՐԱՏԱՐԱԿՈՒԹԻՒՆ ԳԱՅԻՆԻ Հ.Բ.ԸՄԻՈՒԹԵԱՆ

مدیر المسئول : ا. صاروخان — شارع عماد الدين بالقاهرة — تليفون ٩١٩٦٣٦ — ص.ب. ٧١٧

ԺԸ. ՏԱՐԻ ԹԻՒ 10 - 12

ՀՈԿՏԵՄԲԵՐ - ԴԵԿՏԵՄԲԵՐ 1975

ԿՈՉ ՍՓԻՒՌՔԻ ՀԱՅՈՒԹԵԱՆ՝ ԼԻԲԱՆԱՆԻ ԱՂԷՏԻՆ ԱՌԻԹՈՎ

Հ. Բ. Ը. Միութեան Կեդրոնական Վարչական Ժողովը այսօր կոնգայ յայտարարելու քե ձեռնարկած և համագաղութային հանգանակութեան մը՝ օգնելու համար Լիբանանի մեր աղետեայ եղբայրներուն եւ քոյրերուն:

Եօթանասուն տարիներ առաջ Բարեգործականը ծնունդ առաւ ազգային տագնապալի վիճակ մը դարձանելու համար իսկ այսօր, երբ ան կը պատրաստուի նշելու իր հիմնադրութեան եօթանասնամեակը՝ դարձեայ կը գտնուի ազգային տագնապի մը դիմաց:

Ամիսներէ ի վեր Լիբանոնէն այս փերը հասնող լուրերն ու ականատեսի վկայութիւնները կը հաստատեն քե մեր ամենէն կազմակերպեայ ու կենսունակ գաղութներէն մեկը անմեղ զոհն է այդ երկրին մեջ մղուող քաղաքացիական տըխտի պատերազմին: Ծանրօրէն տուժած են անհատ Հայեր, ընտանիքներ եւ ազգային ու կրթական հաստատութիւններ: Մեծ է նաեւ մահացողներուն ու վիրասորեայներուն քիւր:

Լիբանանի Հայութիւնը պետք ունի անմիջական օժանդակութեան. անոր կորուստները ծանրակշիւ են համահայկական իմաստով, որովհետեւ, Լիբանանի Հայութեան հասած որեւէ հարուած՝ հարգուր մըն է ամբողջ Հայութեան: Հայ Ժո-

ղովորդը ամբողջութիւն մըն է աշխարհի երեսին եւ չի կրնար անխռով ապրիլ՝ երբ իր մեկ հատուածը վիրասոր է այսօր: Ահա քե ինչու ամբողջ Սփիւսքի առաջնագոյն պարտականութիւնը պետք է ըլլայ եղբայրական ձեռք երկարել լիբանանահայութեան՝ ամօրելու համար անոր վերբերը, բերեցնելու համար կարիքները եւ վերականգնելու համար ազգային-մշակութային մեքենան:

Հայկական Բարեգործական Ընդհ. Միութիւնը, հասատարիմ իր աւանդական կողոմին եւ առաքելութեան, որոշած է հրապարակ գալ եւ բոլոր գաղութներէն ներս ձեռնարկել հանգանակութեան մը:

Ուրեմն, մօտ օրէն յատուկ յանձնախումբեր պիտի զիմեն մեր ազգայիններուն օժանդակութեան: Վստահ ենք որ այս անգամ ես մեր Միութեան կոչը պիտի հասնի մեր զանգուածներու սրտին եւ անոնք ինքնաբոխ նտիքուով մը պիտի սատարեն մարդասիրական եւ ազգասիրական այս անյետսւճելի ձեռնարկին:

Արդ, սրտագին կոչ կ'ուղղենք մեր բոլոր ազգակիցներուն որ տան լիաբուռն կերպով եւ խորունկ համոզումով, որպէսզի անելի ջխորանայ ներկայ ողբերգութիւնը եւ որպէսզի դարձանուն վերբերը եւ խնայուին Հայ կեանքերը:

Դեկտեմբեր 8, 1975 Ա. ՄԱՆՈՒԿԵԱՆ
Նախագահ

Հ Ա Ր Յ Ա Ջ Ր Ո Յ Յ

Հ. Բ. Ը. ՄԻՈՒԹԵԱՆ ՓՈԽ ԿԱՄԱԳԱՀ ՏՈՒԹ, ՎԱՐԴԳԷՍ ՄԿՐՏԻՉԵԱՆԻ ՀԵՏ

Հ. Բ. Ը. Միութեան Կեդր. Վարչութեան փոխ նախագահ Տորք. Վարդգէս Մկրտիչեան իր վերջին շրջապտոյտին ընթացքին, նաեւ այցելեց Գահիրէ: Այս առթիւ խմբագրութիւնն հանոյրը ունեցաւ շահեկան հարցազրոյց մը բնեկալ իրեն հետ, զոր վարեց պարբերաբար խմբագիր Պր. Անետիս Մովսէսեան:

ԽՄԲ.

Հարց.— Դուք որպէս Հ. Բ. Ը. Միութեան երկարամեայ վեթերան անգամը և Կեդր. վարչութեան փոխ նախագահը՝ ինչպէ՞ս կրնաք բացատրել երբ ըսեն. «Բարեգործականը ելէկ և այսօր»:

Պատ.— Բարեգործականը այսօր երիտասարդաց շարժումն իսկ է: Մեր կըրթական գործը կը պատրաստէ երիտասարդութիւնը կեանքի — և կեանքը մշակոյթն է. այսինքն երիտասարդական շարժումը:

Հարց.— Համաձայն էք որ Բարեգործականը ամենամեծ կազմակերպութիւնն է սփիւռքի մէջ և ի՞նչն է պատճառը:

Պատ.— Անկասկած Բարեգործականը մեծագոյն ազգային կազմակերպութիւնն է սփիւռքի մէջ, անբախտատելիօրէն:

Հարց.— Կ'ըսեն թէ նոր սերունդը ապագայ սիւները պիտի ըլլան այս մեծ Միութեան. կը խորհիք թէ անոնք պիտի կարենան վառ պահել նոյն խանդավառութեամբ:

Պատ.— Արդէն նոր սերունդը ջահը իր ձեռքին առած է, մանաւանդ Միացեալ Նահանգաց մէջ, և կեդրոնական ղեկավարութիւնը կը սպասէ որ ամենուրեք այս իրականութիւն դառնայ, եթէ արդէն իրականութիւն չ'է:

Հարց.— Մեծ ազգային բարերարներ Պօղոս Նուպար փաշա և Ալեք Մանուկեան, ինչո՞վ կը տարբերին իրարմէ, իբրեւ նշխիրեալ անձնաւորութիւններ սփիւռքի մէջ:

Հ. Բ. Ը. Մ. Ի 62-ՐԴ ԸՆԴՀ. ԺՈՂՈՎԸ

Հ. Բ. Ը. Միութեան 62րդ Ընդհանուր Ժողովը գումարուեցաւ Շաբաթ, 18 Հոկտեմբեր 1975ին, Առաջնորդարանի Հ. և Ա. Գավուքճեան հանգիստարանին մէջ, նիւ Եօրք, ատենագետութեամբ ցկեանս նախագահ Ա. Մանուկեանի և մասնակցութեամբ 111 իրաւասու անդամներու, որոնք

Պատ.— Ազգային նուիրումի տեսակէտէ Պօղոս Նուպար փաշա և Ալեք Մանուկեան նոյն մակարդակին վրայ կը գլորնըլին: Բայց, այժմու ժամանակը հիմնականօրէն կը տարբերի Պօղոս Նուպարի ժամանակէն: Ալեք Մանուկեան մեր ժամանակին մարդն է:

Հարց.— Դուք բազմաթիւ անգամներ առիթը ունեցած էք այցելելու Եգիպտոս, որքանո՞վ կը գնահատէք Հ.Բ.Ը.Մ.ի կըրթական և մշակութային գործունէութիւնը Եգիպտոսի մէջ:

Պատ.— Վարժարանը անձը կը պատրաստէ կեանքի վերելքներուն և վայրէջքներուն լի ու լի զիմարելու: Հ.Բ.Ը.Մ.ը մշակութային գործ կը կատարէ՝ այսինքն ան կեանքի հիանալի ընծաները կուտայ մեր համայնքին:

Հարց.— Քանի որ այդքան խանդավառուած էք երիտասարդութեամբ. ի՞նչ կը թելադրէք նոր սերունդի երիտասարդութեան որպէս պատգամ:

Պատ.— Ես կ'ըսեմ՝ «Ինքզինքնիդ եղէք» (be yourselves): Հին հեւրէյի փիլիսոփան ըսած է «Մանիք զքեզ». այս խորապէս փիլիսոփայական իմաստ ունեցող պատգամ է: Ամէն մէկուն մէջ կան մեծամեծ ուժեր, որոնք ամէն անձ պէտք է գտնէ ու գործածէ ազնուութեան, մարդկայնութեան ի հաշիւ: Այդ մեր տոհմային աւանդներուն ճանապարհն է:

Հարց.— Վերջին հարցում. ի՞նչ կ'ուզէք որ ըլլայ Հ. Բ. Ը. Միութիւնը 2000 թուականին:

Պատ.— Քրիստոս ծնած էր 20 դար առաջ, խաչուեցաւ այս բառերը ի շրթին. «Տէր թող դոցա զի ոչ գիտեն զինչ գործեն»: Թող մեր երիտասարդութիւնը սովրէ մեր քրիստոնէութիւնը լի ու լի արժեցնել:

կը ներկայացնէին 1154 իրաւասու ձայներ: Ժողովը բացուեցաւ առաւօտեան ժամը 10.30ին Ամերիկահայոց Առաջնորդ Գերշ. Թորոպոմ Արք. Մանուկեանի աղօթքով: Ապա ժողովականները յոանկայ լրուութեամբ յարգեցին 1975ի ընթացքին մահացած մեր անդամներուն յիշատակը:

Նախագահ Ա. Մանուկեան իր բացման ճառին մէջ հաճօքով ողջունելէ հտք ժողովականները, ըսաւ թէ 1974ը արժեթրոյթային ներդրումի և նիւթական յանձանձումի իմաստով ամբողջ արեւմտեան աշխարհին համար եղած էր տնտեսապէս կորստաբեր շրջան մը: Սակայն մասնաւոր գոհունակութեամբ յայտնեց թէ 31 Դեկտեմբեր 1974ին Միութեան հիմնադրամները, նախորդ տարուան բաղդատմամբ, կրած էին 3,112,937 տոլարի յաւելում մը և տոմարական արժէքով բարձրացած 28,120,367 տոլարի: Այս աճին շուրջ կէսը արդիւնք էր ներգրուածներու մէջ իրականացած արժեւորումի և միւս կէսը նուիրատուութեանց:

Նախագահը յիշեց թէ Միութեան յատկացումները 1974ին նոր մրցանիչ մը հաստատած էին: Ընդհ. կըքը եղած էր 3,431,272 տոլար, որ նախորդ տարուան բաղդատմամբ 585,349 տոլար աւելի էր, և որուն շուրջ 80 առ հարիւրը, այսինքն 2,803,632 տոլար, յատկացուած էր զուտ ազգապահպանման նպատակներու:

Ան յիշեց 1974ին բացուած Միութեան դպրոցներն ու մշակութային կեդրոնները, Պուէնոս Այրէսի Մարի Մանուկեան Երկր. Վրժ.ը, Տիթրոյիթի Ա. Մանուկեան Վարժարանի երկրորդական բաժինը, Անթիլիսիոսի նորաշէն Պօղոս Գ. Կարմիրեան Վարժարանը, Մոնթէվիտէոյի Նուպարեան Վարժարանի նորակառոյց շէնքը, Մարսիլիոյ, Սան Փաւլոյի և Գորտոպայի Մասնաճիւղերուն կեդրոնները, Փարիզի Ա. Մանուկեան Մշակութային Կեդրոնը և այլ շինարարական ձեռնարկներ, որոնց համար յատկացուած էր 858,742 տոլարի խոշոր գումար մը, որ մաս չի կազմեր Միութեան ընդհանուր ելքին:

Նախագահը ժողովականներուն ուշադրութեան յանձնեց այն իրողութիւնը,

թէ վերջին քանի մը տարիներուն նման Միութեան 1974ի տարեկան ելեմուտքին մէջ գոյացած էր 31,250 տոլարի բաց մը: Ան խոր ցաւով անդրադարձաւ Լիբանանի ներկայ քաղաքական տխուր դէպքերուն և յոյս յայտնեց, թէ Միութեան հետ բովանդակ զաղութահայութիւնը իր կըքայրական օժանդակութիւնը պիտի բերէ Լիբանանի մեր ազէտեալ եղբայրներուն, եթէ գժբախտ տնօրինումով մը ներկայ ողբերգութիւնը չարունակուի:

Նախագահը համառօտակի անդրադարձաւ Մեծ Եղեռնի 60ամեակին, շ.Բ.Ը. Միութեան 70ամեակին, զոր հանգիստաւրապէս պիտի նշեն մեր անդամներն ու գիտակից ազգայինները ամենուրեք, և Ամերիկայի Մ. Նահանգաց Անկախութեան 200ամեակին, որ կը զուգագլխի այս օրնեալ երկրին հայ գաղութին կազմաւորման առաջին զարագարձին:

Ընդհ. Տնօրէն Տիար Մ. Հայկենց ներկայացուց Միութեան 1974 տարեշրջանի տեղեկագիրը, անդրադառնալով Կեդրոնական Վարչ. Ժողովի կարգադրութեանց, նոր հիմնադրամներուն, կալուածային-չինարարական և կրթական ձեռնարկներուն շուրջ: Իսկ Կեդր. Վարչ. Ժողովի գանձապահ Տիար Արթիւր Ասլանեան ներկայացուց Միութեան 1974 տարեշրջանի հիմնադրամներուն և ելեմուտքին ամբողջական պատկերը, զայն բաղդատելով 1973ի թուանշաններուն հետ:

Նախագահին հրաւէրով Ամերիկահայոց Առաջնորդ Գերշ. Թորոպոմ Սրբազան խօսք առնելով նախ իր գոհունակութիւնը յայտնեց, ապա մաղթեց որ նայն ոգիով տեէ և իր բարիքները սփռէ հայութեան:

Ա. Նիսաը փակուեցաւ ժամը 12.30ին: Կէսօրուան ճաշին, ինչպէս նախորդ տարիներուն, ժողովականները նախագահ Ա. Մանուկեանի հիւրը եղան:

Ընդհ. Ժողովի բ. նիսաը սկսաւ ժամը 1.30ին:

Գաղտնի քուէարկութեամբ վերընաբրեցան հետեւեալները. - Միացեալ Նահանգներէն՝ Տօքթ. Վարդգէս Մկրտիչեան, Տօքթ. Բերկուրէի Սվաճեան, Տիգրան Սմսարեան և Եղուարդ Մարտիկեան: Ար-

ՈՂԲ. ԳՐԻԳՈՐ ԿԻՐԱԿՈՍԵԱՆԻ ՅԻՇԱՏԱԿԻՆ

Մեծ է կորուստը այն մեծ հայուն՝ Ն. Բ. Լ. Մխութեանն նախկին ԼՆԳԻ. Տընօրէն, վաստակաւոր կրթական մշակ և ծանօթ մտաւորական, Գրիգոր Կիրակոսեանի, որ իր մահկանացուն կնքեց անցեալ տարի 2 Դեկտ. 1974ին, ինքնաշարժի ընդհարումի մը հետեանքով Վուտրութօքի, Նիւ Եորք, իր բնակարանին մերձակայքը:



ՈՂԲ. ԳՐԻԳՈՐ ԿԻՐԱԿՈՍԵԱՆ

Յուզարկաւորութեան արժանավայել արարողութիւնը տեղի ունեցաւ Շաբաթ, 7 Դեկտ. 1974ին Ս. Վարդան Մայր Տաճարին մէջ, և մարմինը ամփոփուեցաւ Ֆլորենթինֆ գերեզմանատունը, Հարցտէյլ, Նիւ Եորք:

Ան ծնած է Սեբաստիոյ Կամիս գիւղը, 1885 Յուլիս 12ին: Իր ուսումը ստացած է Սեբաստիոյ Արամեան Ազգային վարժարանը և տեղւոյն ժէզուիթներու Գոլէճը, որուն շրջանը աւարտելէ ետք՝ ուսուցչական պաշտօնի կոչուած է Արամ-

տասանմանէն՝ Մուշեղ ձիերճեան, Արա Չամբերթէն, Էօթէն Բարազեան և Ռոժէ Զրբաշեան:

Տեղի ունեցան կարգ մը առաջարկներ և թեկադրութիւններ:

Հ.Բ.Լ.Մ.ի 62րդ Լնդհանուր Ժողովը փախուեցաւ Նախագահ Ա. Մանուկեանի շնորհակալական խօսքով, երեկոյեան ժամը 4ին:

եամ Վարժարանը, 1900ին: 1910էն 1917 կը պաշտօնավարէ Պոլսոյ «Նոր Դպրոց»ի մէջ: 1919ին Պոլսոյ ուսումնական խորհուրդը զայն Ս. Սաչ վարժարանին Տնօրէն կ'անուանէ: Տարի մը ետք կը հրաժարի իր բոլոր պաշտօններէն, բարձրագոյն ուսում անելու Փարիզի մէջ: Հոն 1920-22ին միայնգամայն կը հետևի Իրաւաբանական Համալսարանին և Քաղաքական և Ընկերային Գիտութեանց վարժարանին: Ան մեծարժէք վկայականներ ստանալէ ետք, Եգիպտոս Առաջնորդ Թորոս Արք. Գուշակեանի հրաւերին ընդառաջելով կուգայ Եգիպտոսի և կը ըստանձնէ տեղւոյն Գալուստեան Ազգ. Վարժարանի տնօրէնութիւնը: Յաջորդ տարի իրեն կը յանձնուի նաև Հելիոպոլսոյ նորարաց Նուպարեան վարժարանի տնօրէնութիւնը:

1927ին պաշտօնի կը հրաւիրուի իրբնական ընդհանուր Տնօրէն Կիպրոսի Միւլքոնեան Կրթական Հաստատութեան, զոր կը վարէ մինչև 1936: 1937-38ին Տնօրէն կը նշանակուի Կալկաթայի Հայոց Մարգասիրական ձեմարանին:

Համաշխարհային Բ. Պատերազմի պայթումէն ետք՝ 1946ին Հ. Բ. Լ. Մ.ի կեզը. վարչութեան կողմէ, պաշտօնի կը կոչուի Նիւ Եորք, իրբնական ողբ. Վահան Մալեգեանի, ապա Լնդհ. Տնօրէն՝ 1947 Հոկտեմբերին, մինչև իր հանգստեան կոչուելը 1970ին: Այսպէս ան իր Ֆիլիքսական և իմացական ուժերը կը տրամագրէ Հ.Բ.Լ. Մխութեան:

Գր. Կիրակոսեան քաջածանօթ էր Ճրաններէն լեզուի գրականութեան, անգլերէնի, թրքերէնի, գերմաներէնի և ուսներէնի: Աշխատակցած է թերթերու և հանդէսներու, ինչպէս նաև թարգմանած է շատ մը վէպեր ու պատմուածքեր:

Մեր զգածուած ցաւակցութիւնները կը յայտենք ողբացեալին բոլոր պարագաներուն, մաղթելով երկնային մխիթարութիւն:

Յարգանք իր անթառամ յիշատակին: Ա. Մ.

Գրիգոր Կիրակոսեան - Դաստիարակ Տնօրէնը

1922 թուական: Թրքահայ զանգուածային տեղահանութեան եւ կոտորածին կը յաջորդեն հետզհետէ Կիլիկիոյ անխոտովանելի պարպումը: Բեկորներու վերածուած հայ բազմութիւններ, այրեր, կիներ և մանաւանդ որբեր, ապաստան կը փնտռեն մերձակայ ափերուն վրայ:

Նեղոսի հովիտը, իր պատմութեան ողջ ընթացքին, այնքան ասպնջական չէր եղած որքան այդ թուականներուն՝ իրենց պապեանական հողերէն զրկուած տարաբախտ հայութեան համար: Օրուան իմաստուն եւ ծանրախոհ Առաջնորդը, Թորգոմ Եպս. Գուշակեան, շրջապատուած այս հնամեայ ու պատուական գաղութին ազնւագոյն ազգայիններէն, ամէն միջոցի կը դիմէ նգիպոսի ապաստանած հայ զանգուածներուն համար տանելի կեանքի մը պայմանները ստեղծելու: Նոյն ատեն շատ գովելի հեռատեսութիւնները կ'ունենայ գաղութին կրթական հաստատութիւնները օժտելու մտաւորականներու ընտիր փազանքով մը:

Ահա այդ պատմական օրերուն է որ Գահիրէի միակ ազգային կրթական հաստատութեան, Գալուստեան Վարժարանի տնօրէնութեան պաշտօնը ստանձնելու կը հրաւիրուի Գրիգոր Կիրակոսեան, որ կըրթական բեղուն վաստակէ մը վերջ, Սեբաստիա և Կ. Պոլիս, փութացած էր Փարիզ և աւարտած մասնագիտական իր ուսումը իրաւաբանական ինչպէս և քաղաքական և ընկերային գիտութեանց բարձրագոյն հաստատութիւններէն ներս:

Իր տնօրէնութեան տարիներուն, 1922-27, Գահիրէի Գալուստեան Ազգ. Վարժարանը կ'ապրի աննախընթաց վերելքի փայլուն շրջան մը: Հետզհետէ Գահիրէ կը հրաւիրուին Գարեգին Տիւրկէրեան, Արշակ Ալպոյաճեան, Յակոբ Օշական, Բիւզանդ Կէօղլուպէօյիւքեան, Լեւոն Թաշճեան, Տիկ. Զարուհի Մաղկունի, Ա. Քրիսեան, Ղազարոս Ղազարոսեան, բոլորն ալ իրենց կըրթական վաստակովը արդէն իսկ համբաւի տիրացած դէմքեր:

Քիչ վերջ, 1924ին, բացումը կը կատարուէր ազգային շրջ կրթարանի մը, Նուպարեան Ազգ. Վարժարանին, որ իր դռները լայնօրէն կը բանար Հելիոպոլսոյ հայ մանուկներուն առջև, շնորհիւ Միութեանս բազմերախտ հիմնադիր երջանկալիշատակ Պօղոս Նուպարի նուիրատուութեան: Պր. Կիրակոսեան կը հրաւիրուի նոյն ատեն վարելու այս վարժարանը ևս:

Գրիգոր Կիրակոսեան եղաւ մին այն հազուագիւտ տնօրէններէն, որ օժտուած ուսումնական բազմակողմանի և հաստատ պաշարով, իմացական բարձր կարողութիւններով ու մանաւանդ հայ դաստիարակի անձնուէր ոգիով և խոր գիտակցութեամբ, յաջողած է նախանձելի մակարդակի մը հասցնել մեր գաղութին ազգային գոյգ վարժարանները և պատուաբեր նախանձախնդրութեամբ մը բարձր պահել անոնց ուսումնական և դաստիարակչական առաքելութիւնը: Տնօրէն մը որ գիտցած է քաջալերել խոստմնալից աշակերտները զանոնք առաջնորդելով դէպի բարձրագոյն յարկերը, օգտակար և լուսամիտ թելադրութիւններով զանազան կրթական ֆունտերը ի սպաս դնել տալով մտաւորական ընտրանիի մը պատրաստութեան կենսական պահանջին:

Մեծ է թիւը պատրաստուած և ազգային ծառայութեան այլազան մարզերու նուիրուած այն երիտասարդներուն ուրոնք Գրիգոր Կիրակոսեանի ձեռնասունները ըլլալէ վերջ վայելած են անոր անվերապահ օժանդակութիւնը, անոր վարակիչ խանդավառութիւնը, և մանաւանդ անոր հայկական շինիչ խորհուրդներու քաջալերանքը:

Յարգանք ըլլաւ բեղմնաւոր վաստակիդ, սիրելի Տնօրէն: Տիպար դաստիարակի թողուցած յիշատակդ անջնջելի պիտի մընայ մեր բոլորին սրտին խորը:

ՏԻԳՐԱՆ ՊԱՊԻԵՍԱՆ

Գահիրէ

ՏԻԳՐԱՆ ՊԱՊԻԿԵԱՆ ՈՉ ԵՒՍ Է

Հինգշաբթի, 25 Սեպտ. 1975ի կէսօրին իր մահկանացուն կնքեց, Հ.Բ.Ը.Մ.ի վեթերան անդամ, Եգիպտոսի Կեդր. Յանձնաժողովի ատենադպիր, Միութեանն Յովակիմեան Սանուց Յանձնախումբի անդամ և նախկին Տնօրէն Գալուստեան և

Նուպարեան ազգային վարժարաններու Ողբ. Տիգրան Պապիկեան: Ան մահացած է իր բնակարանին մէջ յետ երկարատեւ հիւանդութեան, խոր սուզի մասնելով իր ընտանեկան պարագաները և նախկին երկսեռ ուսանողներ:



Ողբ. ՏԻԳՐԱՆ ՊԱՊԻԿԵԱՆ

Հ.Մ.Ը.Մ. - ՆՈՒՊԱՐԻ ՆՈՐ ՊԱՐՏԷԶԻՆ ԲԱՑՈՒՄԸ

Կիրակի, 16 Նոյեմբեր 1975, կեսօրին Հ.Մ.Ը.Մ.-նուպարի մեջ տեղի ունեցաւ բացուելու պարտեզին, հովանաւորութեան ակումբին նուիրեալ անդամներէն Տեր և Տիկ. Միլաս և Շաֆե Նեսիմի: Այս առթիւ պատասխանած եր հասեղ ճաշեր ու անուշտեղներ, ակումբին Տիկեանց Յանձնախումբին կողմէ: Այսպէս, խոսքս հողը դարձաւ գեղատեսիլ պարտեզի, որը կը պարտեզի օրումս հովանաւորող անդամներ:

Կը շնորհաւորեմ Հ. Մ. Ը. Մ.-նուպարի վարչութիւնը, Տիկեանց Յանձնախումբը, մտաբերով նորանոր յարգութիւններ:

Աղջկային յուղարկաւորութեան տխուր արարողութիւնը կատարուեցաւ Շաբաթ, 27 Սեպտ. 1975ին: Թաղման կարգի աւարտին, Գահիրէի Ս. Գր. Լուսաւորիչ եկեղեցիին մէջ դամբանական քարոզ մը տուաւ Եգիպտոսայոց Առաջ. Տեղապահ Գերպ. Տ. Ներսէս Ծ. Վրդ. Բապուճեան: Ապա եկեղեցւոյ բակին մէջ, ողբացեալին զազաղին առջև խօսք տուին Պր. Հայկազուն Բիւրքճեան (ի դիմաց Հ.Բ.Ը.Մ.ի) և Մօ. Եղ. Յակոբեան (ի դիմաց ուսուցչութեան):

Ողբացեալին դագաղը փոխադրուեցաւ Հելիոպոլիսի Ազգ. Գերեզմանատունը և ամփոփուեցաւ ընտանեկան շիրիմին մէջ:

Ան ծնած է Պալիս 1908ին, վասպուրականցի ծնողներէ: Մանուկ հասակին փոխադրուած է Եգիպտոս: Հայեցի դաստիարակութիւնը ըտացած է Գահիրէի Գալուստեան վարժարանին մէջ, զոր փայլուն

յաջողութեամբ աւարտած է 1924ին: Տարի մը ֆրանսական Լիսէ յաճախելէ ետք, որպէս Եգիպտոսի սան ուղարկուած է Ֆրանսոս Մանկավարժական Մանագիտութեան հետեւելու համար:

Ուսուցչանոցի շրջանը լաւագոյն արդիւնքով աւարտելէ ետք, կը հետեւի գիտական ճիւղերու եւս: Ութ տարի մասնագիտական ուսում ամբարելէ ետք կը վերագտնայ Գահիրէ և իր ամբողջ կեանքը կը նուիրէ հայ պատանիին դաստիարակման գործին: 1933-1961 կը պաշտօնավարէ Գալուստեան Ազգ. Վարժ.ի մէջ իբրև ուսուցիչ ապա տնօրէն: Ան պատ-

ԵՐԱԺՇՏԱԿԱՆ

ԲԱՑԱՌԻԿ ՅՈՒԵԼԻՆԱԿԱՆ ՀԱՆԴԻՍՈՒԹԻՒՆ ՄԸ

Փառաշուք հանդիսութեամբ նշուեցաւ եզրագտահայ Թաթուլ Ալթունեանի երգչատուօմբի 20ամեակը և անոր հիմնադիր՝ Մօ. Եղուարդ Յակոբեանի երաժշտական, խմբավարական և այլ բեղուն գործունէութեան, աւելի քան 35ամեայ վաստակը: Հանդիսութիւնը տեղի ունեցաւ Կիրակի: 7 Գեղտ: 1975ին երեկոյան, Սովետական

բաստած է զիտութեան, թուաբանութեան և աշխարհագրութեան դասազիրքեր նախարկութարանի համար:

1961ին կը ստանձնէ Հելլոպոլսոյ նուպարեան Ազգ. Վրժ.ի Տնօրէնութիւնը, զոր կը վարէ մինչև 1973, իր հանգստեան թուականը:

Ան ծառայած է ազգին որպէս անգամ Թեմական Ժողովի (1967-71) ինչպէս նաև Ուսումնական Խորհուրդի և Եզրայեան Սանուց Յանձնախումբի: Ողբացեալ վեթերան անգամ Տ. Պապիկեան օգտակար հանդիսացած է ազգին Հ.Բ.Ը.Մ.ի խորովակով և 1964էն մինչև իր մահը անգամակցելով եզրագտոսի Կեդր. Յանձնաժողովին Ատենադպիրի հանգամանքով և որպէս անգամ Յովակիմեան Սանուց Յանձնախումբի:

Գահիրէի Ազգ. Իշխանութիւնը գնահատելով ողբ. վաստակաւոր դաստիարակ Տ. Պապիկեանի բազմամեայ ազգօգուտ ծառայութիւնը, 1974 Մայիսին հրապարակային հանդիսութեամբ մը արժանաւորապէս ամենց իր 40ամեայ պաշտօնավարութեան Յօրհանը:

Հանգուցեալ Տ. Պապիկեան սիրուած ու յարգուած անձնաւորութիւն մըն էր գաղութի մէջ: Իր անհետացումով Հ.Բ.Ը. Միութեան շրջանակը և եզրագտահայութիւնը կը կորսնցնեն ժրպան և նուիրեալ անգամ մը:

Այս տխուր առթիւ խմբագրութիւնս իր զգածուած ցաւակցութիւնները կը յայտնէ ողբացեալին այրիին, զաւակներուն և եղբայրներուն, ինչպէս նաև սգակիր բոլոր պարագաներուն:

Մշակութային Կեդրոնի «Չայքովսքի» Հանդիսասրահին մէջ:

Յօրհանական սոյն ձեռնարկը նախածնունուած և կազմակերպուած էր Գահիրէի Հայ Մշակութային Մարմիններու կողմէ, որուն հովանաւորութիւնը կը վայելէր անուանի երգահան Արամ Սաչատուրեանի: Նաև պատուոյ նախագահութեամբ եզրագտահայ Յարմուսանութեանց Հոգեւոր Պետերուն, իսկ հանդիսութեան Նախագահն էր Պր. Աւետիս Չազըճեան:

Ձեռնարկին առաջին մասին մէջ տեղի ունեցաւ Հանդիսաւոր Նիստ, որուն ընթացքին խօսք առին Յօրհանական Յանձնախումբի Նախագահուհի՝ Տիկ. Շաքէ Իփէքեան, Ատենապետ՝ Պր. Սարգիս Սարգիսեան, մտաւորական Պր. Տիգրան Գէորգեան և Թեմիս Առաջնորդական Տեղապահ Գեղ. Տ. Ներսէս Ծ. Վրդ. Բապուճեան, որոնք վեր առին Մօ. Եղուարդ Յակոբեանի կատարած արժէքաւոր դերը հայ երգարուեստի մարզին մէջ:

Երկրորդ մասը երգահանդէս մըն էր հայկական գեղեցիկ երգերու, ղեկավարութեամբ Մօ. Յակոբեանի, զաչնամուրի ընկերակցութեամբ Տիկ. Շամիրամ Գարմանեանի և մասնակցութեամբ 42 երկսեռ անձերու: Բացառիկ էր ներկայացուած երգերու յայտագիրը, որոնք մեծամասնութեամբ մշակուած կամ յօրինուած էին Մօ. Յակոբեանի կողմէ: Հիացումով ու խոր հրճուանքով կ'ունկնդրէինք բոլորս ալ, փաստ՝ հանդիսականներու բուն ծափերուն ընդառաջելով կարգ մը երգերուն կրկնուելը:

Սոսք առաւ նաև երգչախումբի հին անդամներէն Պր. Շաւարշ Գարանֆիլեան և վերջին խօսողն էր Մօ. Եղ. Յակոբեան, որ յայտնեց իր անկեղծ արտայայտութիւնները: Երգչախումբի բոլոր անդամներուն յուշանուէրներու բաշխումով վերջ գտաւ սոյն երաժշտական աննախընթաց հանդիսութիւնը:

Ջերմօրէն կը շնորհաւորենք եզրագտահայ

ՏԻԱՐ ԱՆԷՔ ՄԱՆՈՒԿԵԱՆ 50,000 ՏՈՒԱՐ ԿԸ ՆՈՒԻՐԷ ԼԻՔԱՆԱՆԻ ԱՂԷՏԵԱՆՆԵՐՈՒՆ

Պատժական յայտարարութեամբ ծանուցուած է արդէն թէ Հայաստան-եայց Առաքելական Եկեղեցւոյ Արեւելեան եւ Արեւմտեան թեմերը, գործակցաբար Հայկական Բարեգործական Ընդհանուր Միութեան, մօտ օրէն պիտի ձեռնարկեն ժողովրդային հանգանակութեան մը՝ օգնութիւն փութացնելու Լիբանանի աղէտեալ Հայ գաղութին:

Միացեալ հանգանակութեան ա-

ռաջին իսկ ժողովին Հ. Բ. Ը. Միութեան ցկեանս նախագահ եւ ազգային Բարեբար Տիար Ալեք Մանուկեան արեւալը բացուած յայտարարեց իր կողմէ նուիրելով 50,000 տուար:

Հանգանակութեան նպատակն է կէս միլիոն տուար գոյացնել Միացեալ Նահանգներէն ու Քանադայէն եւ 100,000 տուար ալ սարբեր գաղութներէ:

Ջ Ե Կ Ո Յ Ց

Հ. Բ. Ը. ՄԻՈՒԹԵԱՆ ԵՒ ԽՈՐՀՐԴԱԿՑԱԿԱՆ ՀԱՄԱԺՈՂՈՎԸ ՅԵՏԱԶԳՈՒԱԾ

Այսօր կը հաղորդենք ի գիտութիւն, որ Հ. Բ. Ը. Միութեան Ե. Համաշխարհային Պատգամաւորական Խորհրդակցական Ժողովն ու Հ. Ե. Ը. Ընկերակցութեան Թ. Նախասարդեան Փառատօնը, որոնք տեղի պիտի ունենային 1976ի Ս. Զատիկի շաբաթը ընթացքին Պէյրութի մէջ, Լիբանան, յետաձգուած են:

Դժբախտաբար, հակառակ մեր յոյսերուն եւ ակնկալութեանց, վերջին ամիսներուն սաստկացաւ լիբանանեան տագնապը: Զինեալ բախումներ, սպաննութիւններ եւ աներաժոռոթիւններ ոտնձգեցին անապահովութեան ծանր մթնոլորտ մը, որ հաշմեց երբեմնապէս բարօր Լիբանանը, անոր բո-

լոր գաղութներուն եւ նաեւ հայութեան անհատական-ընկերային եւ ազգային-մշակութային կեանքը:

Լիբանանի մեր եղբայրներուն եւ բոլորեւն վիճակը կը կարօտի մեր բոլորին զգալուն ուշադրութեան եւ փութեանովն աջակցութեան: Այս պատճառաւ կեդր. Վարչ. Ժողովը իր վերջին նիստին որոշեց անորոշ ժամանակաւ յետաձգել Ե. Խորհրդակցական Համաժողովն ու Թ. Նախասարդեան Փառատօնը:

ԳԻՒԱՆ ԿԵԴՐ. ՎԱՐՉ. ԺՈՂՈՎԻ
Նիւ Եորք, Ն. Ե.
Դեկտեմբեր 8, 1975

«ՏԵՂԵԿԱՏՈՒ»Ի ՖՈՆՏԻՆ

Առ ի քաջալերութիւն Պարբերաթերթիս սեղանին, կը նուիրեն.-
Տէր եւ Տիկին Ժորժ Միքայէլեան 1000

տանայ Երգչախումբը և անոր բազմա-վաստակ խմբավար՝ Մօ. Եզուարդ Յակոբեանը, մաղթելով քաջառողջութիւն և յարատեւութիւն, սատար հանգիստանալու համար ազգապահպանման նուիրական գործին

Տ.

Հ. Բ. Ը. Մ. - Գ. Ա. ՀԻՐԷ

Հ. Բ. Ը. Մ. Ի ՀԻՄՆԱԴՐՈՒԹԵԱՆ
70 - ԱՄԵՆԱԿ
Ա. ԶԵՌՆԱՐԿ
ՃԱՇԿԵՐՈՅԹ
Շաբաթ, 13 Մարտ 1976, Երեկոյեան
Հ.Մ.Ը.Մ.- ՆՈՒՊԱՐԻ ՄԷՋ
Մանրամասնութիւնները Յաջորդիւ

Հ. Բ. Ը. Մ Ի Ո Ւ Թ Ե Ա Ն Մ Ա Մ Ո Ւ Լ Ը

ՅՈՒՇԱՐԱՐ - ՄԻՈՒԹԻՒՆ

Պատժամաքերք Հ. Բ. Ը. Միութեան
Հիմնադիր՝ Պողոս փառա նուպար

HOOSHARAR - Անգլերէն Հրասարակութիւն

Հասցէ. — Armenian General Benevolent Union
628, Second Avenue
New -York N. Y. 10016.

Խ Օ Ս Ն Ա Կ

Պատժամաքերք Հ. Բ. Ը. Միութեան Լիբանանի
Շրջանակային Յանձնաժողովի
Հասցէ. — Նամակասուփ 715, Պէյրութ.

Տ Ե Ղ Ե Կ Ա Տ Ո Ւ

Հրասարակութիւն Գահիրէի Հ. Բ. Ը. Միութեան
Հասցէ. — 15, Էմաս Էլ Տիւն փողոց — Գահիրէ
Փոստարկը 717

ՆՈՐ ՇԻՆԱՐԱՐ

Հրասարակութիւն Հ. Բ. Ը. Միութեան Եւրոպայի
Շրջանակային Կեդրոնական Յանձնաժողովի
Հասցէ. — 118, Rue De Courcelles Paris 17^{me} FRANCE

Հ. Բ. Ը. ՄԻՈՒԹԻՒՆ — ԳԱՀԻՐԷ

Գահիրեի Հ. Բ. Ը. Միութիւնը հանուրն ունի տեղեկացնելու պատուարժան հանրութեան թե, իր հիմնած

Ե Ա Գ Ո Ւ Պ Ա Ր Թ Ի Ն

գրաւարանը որ կը գործէ 1958էն ի վեր, իւ տրամադրութեան տակ ունի գրական, պատմական, գեղարուեստական, կրօնական եւ բանասիրական. ինչպէս նաեւ ՀԱՅԱՍՏԱՆԵԱՆ զիբրէրոս նոյս հասարածոյ, որմէ կրնան օգտուիլ մեր ընթերցասէր անդամները եւ Գահիրեի հայութիւնը անխտիր, առանց որեւէ վնարումի:

Վ Ա Ր Ը Ո Ւ Թ Ի Ն

ՏԵՂԵԿԱՏՈՒՆ վնարովի չէ

Շնորհակալութեամբ կ'ընդունինք նուիրատուութիւններ, մեր այս ձեռնարկը աւելի նոյս եւ շահեկան ընծայելու համար:

— Ասանալու համար դիմել խմբագրութեանս,
15, Էմաս էյ Տիմ փողոց Ա. յարկ — Գահիրէ

Ասորագրեալս՝
կը նուիրեմ Ե. Դ. ()
«Տեղեկատու»ի Ֆոնսին:

Ասորագրութիւն



السيد / م / يوسف / فوجيرتيام

رقم الايداع بدار الكتب ٦١٣

ՏՊ. «ԱՐԳՈՍ» ԳԱՀԻՐԷ — ՀԵՌ. 56864

Handwritten signature and scribbles at the bottom of the page.